

Seizneix, moix baez gou yawjraen dendwngh ronghsagsag haenx, couh siengjdaengz bihaenx youq aen siujyoz lajmbanj iq ndeu, youq gyanghaemh, gij rongh labcuk haenx. Yienznaeuz gij rongh de mbouj rongh geijlai, hoeng, de hawj vunz sim raeuj, hawj vunz simhai, hawj gou ciuhvunz nanz lumz.

Cib geij bi gaxgonq, gou ngamq doeg swhconh bizyez, baen bae lajmbanj aen hagdangz iq ndeu sonsaw, aen hagdangz neix gig gungx gig gox, seizhaenx youh mbouj miz dien, dang'yienz mbouj miz dendwngh densi lo. Gou yenzlaiz couh gyaез yawj densi, gyaез dingq yinhyoз, hoeng deng baen daengz aen hagdangz yienghneix, gou yienghlawz cungj angq mbouj hwnjdaeu. Aen simhoengz gou haenx couh lumj aen daengyouzhaeu deng raemxgyoet soen nei, sikhaek laepcup.

Mbouj miz dendwngh, gyanghaemh cijndaej diemj daengyouzhaeu, hoeng seizhaenx couh lienз youzhaeu hix mbouj ndaej caih mwngz cawx, bouxvunz moix ndwen cij ndaej cawx song sam gaen, di youz neix baenzlawz gaeu yungh ne? Yienghneix gyanghaemh hwnjdangz cijndaej diemj lab lo.

Gou haemh daih'it daengz gyausiz hwnjdangz seiz, youq laj ronghlab monmeujmeuj haenx yawj



gobwnj, yawj saw gig dwgrengz. Seizhaenx, ndawsim youh demgya le geij faen nyapnyuk, caen siengj vit bonjsaw bae suzse youq. Hoeng, yawjyawj baihlaj gyoengq hagseng dingq ndaej baenzhaenx nyinhcaen, hoizdap vwndiz baenzhaenx cizgiz, gou youh son roengzbae.....

Haemh daihngeih, gou ngamq byaij haeuj dou gyausiz, couh raen giz gyangjdaiz ronghsagsag—roek gaenj lab daengj youq gwnz daiz. Gou geizheih dwk yawj coh gyoengq hagseng, gou rox, youq diegbya gig hoj

neix, gyoengq hagseng cungj dwg song boux yungh gaenj lab ndeu, seizneix mbatdog cawx roek gaenj hawj gou, neix doiq gyoengqde daeuз gangj dwg yungh bit “ngaenzhung” ndeu. Gou cam gyoengq hagseng dwg byawz cawx gij lab neix, hoeng, mbouj miz vunz lwnh, cam lai le, banhchangj Lij Gangh cij naeuz: “Lauxsae, mwngz couh gaej cam lo, mwngz dwg dagaenhganx, cij yungh gaenj lab ndeu baenzlawz baenz, miz roek gaenj laisiuj ndei di.” Gou yawj roek gaenj lab ronghsag gwnz gyangjdaiz, youh yawj gij lab monmeuj baihlaj gyoengq hagseng yungh haenx, gou lwgda mbaeq lo.

Daj haemh haenx hwnj, gyanghaemh hwnjdangz, gwnz gyangjdaiz roek gaenj lab diemj dwk, haemhaemh cungj yienghneix, comzbaenz fuk doz lajmbanj gig daegbied gig ndeiуawj he.

Hoeng, miz haemh ndeu, raen gwnz gyangjdaiz cijmiz haj gaenj lab, gou hix mbouj dawz hwnjsim. Hoeng, daj seizhaenx hwnj, gou fatyienh aen gvilwd ndeu—gwnz gyangjdaiz miz sam haemh, haemhhaemh cungj miz roek gaenj lab, haemh daiseiq cij miz haj gaenj, yienghneix lwnz hop ndeu dauqbae. Neix dwg vihmaz ne? Gou siengj mbouj ok.

Gvaqlaeng, gou youh ciemhciemh fatyienh, ndaw ban boux hagseng Cangh Lieng soqlaiz gig gyaез gangjvah haenx, bienqbaenz mbouj gyaез gangjvah lo. Gou ra de cam dwg mbouj dwg miz maz simsaeh, de hix mbouj gangj.

Hoeng, haet singhgizit ndeu, mbouj raen de daeuз hagdangz. De dwg

boux hagseng gaenx hag ndeu, coengzlaiz mbouj deuzhag, ngoenzneix baenzlawz ne? Gou cam banhchangj Lij Gangh, hainduj, Lij Gangh hix mbouj nyienh lwnh, cam lai le de cij naeuz gou nyi. Laxlawz gij lab gwnz gyangjdaiz dwg gyoengq doengzhag cawx hawj gou, daengx ban seiq aen cuj, moix cuj haemh he, moix cuj ngamj miz roek boux vunz, yienghneix moix haemh cungj miz roek gaenj lab, mbouj lai mbouj siuj. Hoeng, duenh seizgan neix, daxmeh Cangh Lieng bingh lo, de mbouj miz ngaenz cawx lab, moix lwnz daengz cuj de couh cij miz haj gaenj lo. Cangh Lieng nyinhnaeuz doiq mbouj—hwnj lauxsae, duenh seizgan neix cij nyapsaeb. Ngoenzgonq dwg ngoenzsinghiz, de couh bae gwnz ndoi raemj fwnz, siengj gai aeu di ngaenz daeuз cawx lab, hoeng, mbouj siujsim gvad din lo.

Dingq Lij Gangh gangj le, gou raemxda ciuz ngvih lo.

Cuengqhag le, gou bae daengz ranз Cangh Lieng, de dawз cibgeij gaenj lab okdaeuj, naeuz yaek bouj duenh gonq mbouj miz haenx, gou yawj gij lab hoengzfwdfwd haenx, youh yawj diuzga foeg de, gou nyaenx mbouj ndaej raemxda lae roengzdaeuj.

Couh yienghneix, couh baengh gij lab neix, laebdaeб sam bi, daengx ban doengzhag moix aen haggeiz gaujsi, cingzciк cungj baiz youq daengx yangh doengz nienzgaep daih'it.

Gvaq le sam bi, gou diuh bae aen cuhcungh yozyau he sonsaw, gou gig sij mbouj ndaej gyoengq hagseng gou, hoeng, aenvih gunghcoз sihyau, mbouj ndaej mbouj bae lo.....

Seizneix cibgeij ngeihcib bi gvaqbae lo, aen hagdangz iq haenx caeux couh doeng dienh lo, gou youh diuh daengz yienhsingz aen yozyau ndeu sonsaw, diuzgen engq ndei lo, ndaw gyausiz mboujdanh miz dendiuz ronghsagsag, lij yungh dennauз hwnjdangz dem. Hoeng, gij ronghlab ndaw siujhagdangz lajmbanj haenx lijdwg iteig youq ndawsim gou ronghsagsag ndongqliklik.....

Seizneix gou cungj roxnyinh, yienhsingz ndaw hagdangz ronghsagsag haenx cungj lumj siuj di gijmaz, dwg ha, siuj di gijmaz.

Siengjniemh ronghlab ndaw aen siujhagdangz lajmbanj haenx, ciengx—lwenx siengjniemh.....



Doengxngoenz bae caijfangj Byaij gwnzmbanj ndawsingz Ngoenz mbouj hoengq ninзringz Dauq lienzhwnз dajgauj

Dwg congheueg seiqgaiq Dajhai yawj ndaej ok Saeh guekndaw guekrog Byawz log yawj couh rox

Seih aen bak guekcoj Dwg cwngfuj simsing Seih aen gingq yinzminз Souh vanhyingz dwggyaeз

Veh gaijgwz gaihfang Sij sevei vwnzmingz Sonyinx gyoengq yinzminз Fazyangz cingsaenz ndei

Vih lwgminз vih dangj Mbouj gangj mingz caeuз leih Caiq naiq hix vuenheij Danh vunz ndaej vuenyungz

Gijcej cingsaenz mbwk Ceiq lumj dwg duzdinz Hai fwed gwnzbiengz mbin Ciensim damq vafaenj

Bi cin cou seiqgeiq Mbouj ndaej hoengq saek seiz Ndit ndat haenq baenz feiz Ciengzseiz bae caijfangj

Cungj mbouj lau haemzhoj Hix ndi ndoj ngoenzfwn Gizlawz miz sinhvwnз Soemh fwn hix bae aeu

Veiz Gozcingh gig haenhndei gij cingsaenz Yienh Cingsih gamj daj saehsaed hwnjdin guh sawqniemh gaijgwz haenx. De naeuz: “Aenban lingjdauj yenveij, couh aeu uklingz dwk ciuq gij fuengeim cwngcwз dangj raeuz caeuз gij cingsaenz cijsi baihgwnз, giethab gij saehsaed bonjdieg miz cauhmaq dwk bae guh hong. Gijmaz cungj dwg ciuq buen ciuq dauq, baenzlawz guh ndaej ndei hong? Aen sawqniemh sou neix guh ndaej ndei lai, mo cinj le cix doigvangq. Haeuxgwn demok le, Yienh Cingsih cix ndaej engqgya soengyungz bae mbefat gij doengh—gogai, hongndoengfaex caeuз hong—doihtuz bonjdieg lo, baijok gij ndei bonjfaenh, lai guh gungyen hawj guekgya.”

Bineix, youq fung saenqhoiz Veiz Gozcingh hawj boux suhgi Yenveij

# Veiz Gozcingh Sangcieng Cawj—guenj Guengjsae Ngeihcib Bi

## 韦国清上将主政广西二十年

□ Hoz Saubangisii Cioз Siengzcouб Liuz Giegliui Cioз Siengzzen boiz

Doenglanz Lij Gaihsi haenx ndawde, damз le ceiқdingh gij gviveh mbefat nungzyez gij vwndiz neix. De vixok: “Ciuq Doenglanz bya lai dieg noix, naz engqgya noix dingз cingzgvang neix, youq gij cosih gviveh nungzyez gwnzde, wnggai daegbied aeu gaem ndei suiјli. Guh ndei suiјli, mboujdanh dwg aen baujcingq youqgaenj nungzyez ndaej okonj oklai ndeu, caemhcaiқ ndaej gaijgez gij vwndiz ciengzgeiz daeuз vunз caeuз doihtuz

diegbya gwn raemx nanz haenx.” De lij vixok, ciuq Doenglanz bya lai, hauјlai diegbya mbouj miz diuzgienh guh suiјli dingз saehsaed neix, “gvaqlaeng wnggai miz giva bae guh hong “moegbonj liengzyouз”, lumjnaeuz ndaem maklaeq, makraeq, lwgndae, haeddauz, maklix daengj. Gij dieg fanзdwg hab ndaem nei, aenaen swngheanјdui cungj aeu gyoebcomз vunзlai bae ndaem lai di, seyenз caemh ndaej youq naj ranз

laeng ranз lingзsing ndaem di. Duidui ndaem, hohhoh ndaem, gvaq lai bi le, cix ndaej souhaeuз ciengzgeiz lo. Gij haeux youз sou ndaej haenx, ndaej hawj seyenз gag bouj yungh, youh ndaej guh gijgueng, caemh ndaej gai hawj guekgya.” Ndaw saenq iteig giengzdiuh aeu ciuq saehsaed bonj—dieg ceiқdingh banhfap, yienghneix bae dazyinx hong nungzyez.

(caengz sat)